

EUSKAL NORTASUN AGIRIA. Azken asteetan jasotako atxikimenduak aurkeztu dituzte

ENAre aldeko 125.000 sinadura jaso ditu Bai Euskal Herriari plataformak

Udalbiltzari ENA ofizializatzeko eskatu dio, «gurean gehiago atzeritar izan ez gaitzen»

ATXIKIMENDUA

Jende ezagun ugari

Azken asteetan, kultur, kirol, hezkuntza nahiz kazetaritza arloko hainbat pertsona ezagunek ekimenari beren atxikimendua erakutsi diote.

- Harkaitz Cano
- Ixabel Barreñis
- Juan Martin Elexpuru
- Batita Larzabal
- Mikel Laboa
- Hur Gorostiaga
- Joseba Jon Larrinaga
- Beñat Sarasola
- Juan Mari Irigoien
- Joseba Tapia
- Urtzi Urrutikoetxea
- Alain Camou
- Unai Iturriaga
- Antonio Campos
- Toti Martinez de Lezea
- Inaxio Errandonea
- Andoni Tolosa
- Patziku Perurena
- Juan Luis Zabala
- Xabier Amuriza
- Anje Duhalde
- Walter Wendelin
- Mireia Gabilondo
- Mikel Markez
- Juan Gorriti
- Miren Zabaleta
- Allende Etxart
- Igor Elortza
- Iñaki Betagarri
- Xabier Isasi
- Izaro Iraeta
- Luis Elberdin
- Arantxa Hirigoien
- Carlos Gil
- Erramun Martikorena
- Hasier Etxeberria
- Mikel Mendizabal
- Erik Etxart
- Pako Aristi
- Joxean Artze
- Imanol Lazkano
- Martxelo Otamendi
- Txoli Mateos
- Joxemi Martis
- Agus Hernan
- Gari Berasaluze
- Jean Louis Davant
- Gaizka Aranguren
- Evaristo
- Marije Fullaondo



INIGO AZKONA

Bai Euskal Herriari plataformak atzo Bilbon eginiko agerraldia.

Estibalitz Ezkerra | **BILBO**

Euskal nortasun agiria ofizializatzeko zenbat sinadura gehiago behar dituen, horixe izan zen atzo Bai Euskal Herriari plataformak Udalbiltzari egin zion galdera. Bilboko Errekalde auzoan eginiko agerraldian, Aitziber Perez de Karkamo eta Irkus Robles plataformako kideak, eta Euskal Herriko Ligako kide Xabier Galardi mintzatu ziren. Ekimenaren izenean, erabaki bat hartzeko eskatu zioten erakundeari, «gure herrian denbora luzeagoan atzeritar izan ez gaitzen».

Plataformak emandako datuen arabera, sinadura bilketaren kanpaina abian jarri zutenetik hona 125.211 sinadura jaso dituzte. Horien artean, gizarte zein kultur esparruko hainbat pertsona ezagunen atxikimendua dago. «Sinadura hauek berresten dute Euskal Herrian badela oinarri sozial zabala eta anitza, herri eta herritar gisa dagozkigun eskubideen defentsa praktikoa gauzatzeko prest dagoena», azaldu zuen Perez de

Karkamok. Hori dela eta, euskal herritarrak paperik gabeko herritarrak izateari utz diezaioten zer egingo duen galdetu nahi izan zion Udalbiltzari.

«Gure ustetan, nortasun agiria da herritartasun eskubideak bermatzeko tresnarik eraginkorrena. Baina jakin badakigu horrelako agiri bat instituzio batek egin behar duela», esan zuen Perez de Karkamok. Zentzu horretan, zeregin hori bete dezakeen bakarra Udalbiltza dela nabarmendu zuten, «euskal herritar guztiak euskal herritar bezala ordezkatu eta aintzat hartzen gaituen instituzio bakarra baita».

Euskal izaeraren kontrako «sorgin ehiza»

Xabier Galardik adierazi zuenez, «herritartasuna eskubide unibertsala da. Nazioarteko legediek onartu zuten, eta bere burua demokratizatzen duen herrialde orok bermatu behar du». Bere garaian onarturiko giza eskubideen aldarrikapena sinatu zutenen artean, Espainia eta Frantziako estatuak zeudela go-

ESANAK

A. PEREZ DE KARKAMO

(Bai Euskal Herriari ekimeneko kidea)

«Udalbiltzak zenbat sinadura gehiago behar ditu herritartasun agiria ofizializatzeko?»

«Sinadurek berresten dute beren eskubideak defenditzeko prest dagoen oinarri soziala badagoela»

IRKUS ROBLES

(Bai Euskal Herriari ekimeneko kidea)

«Espainiako eta Frantziako estatuak euskal izaera ororen aurkako sorgin ehiza abian jarri dute»

XABIER GALARDI

(Euskal Herriko Ligako kidea)

«Herritartasuna bere burua demokratizatzen duen herrialde orok bermatu behar du»

goratu zuen Galardik. Hala ere, azken asteetan estatu biek euskal izaera ororen aurkako «sorgin ehiza» abian jarri dutela azaldu zuten. Horren harian EKIN, ABK, Joxemi Zumalabe, AEK, Zabaltzen eta Bai Euskal Herriari plataformaren beraren kontrako operazioak aipatu zituzten plataforma kideak.

«Egoera horren aurrean, dagozkigun eskubide zibil eta politikoaren defentsa eta haien gauzatzeko praktikoa bultzatzea da dugun irtenbide bakarra», azpimarratu zuen Roblesek. Bai Euskal Herriari ekimena asmo horrekin sortu zutela azaldu zuen berak, eta orain arte lorturiko atxikimenduek bere arrakasta berrestu dutela gaineratu zuen.

Plataformak jakitera eman zuenez, Udalbiltzako talde iraunkorreko kideei eskutitz bana igorriko diete. Bertan, orain arte jasotako sinadurak eta erakundeari zuzendu nahi dizkioten eskaerak agertuko dituzte. Era berean, Genevan giza eskubideen azpibatzaordean ekimenaren berri ematen saiatuko direla azaldu zuten.

18/98 SUMARIOA

Pio Cabanillasen «erasoa» kritikatu dute Demokraziarako Epailak

Erredakzioa | **DONOSTIA**

Pio Cabanillas Espainiako Gobernuaren bozeramaileak Entzutegi Nazionalak *Xaki auzian* egindako ebazpenari egindako kritikek erantzuna izan zuten atzo magistratuen elkarrekin. Espetxean zeuden hiru lagun aske utzi eta beste bosten prozesamendua atzera botatzen zuen ebazpena «berreiki larritzat» jo zuen Cabanillasek «Zuzenbidean terrorismoaren kontra borrokatzeko dugun tresnen aurka doalako».

Demokraziarako Epailen bozeramaile Montserrat Comasen arabera, adierazpenok «epailen independentziaren, eta zehazki Entzutegi Nazionalen Penaleko salako magistratuen kontrako eraso» izan ziren. «Gogorazi behar da instrukzio epaile baten erabakiak gaineko organo kolegiatu batek aztertu ahal izatea auzipetu ororen garrantzia dela; eta ETArekin kontrako borroka eraginkortasunak legezkotasunaren printzipioa duela mugatzen» esan zuen Comasek.

Francisco de Vitoria elkartearen Jose Luis Gonzalezek ere, epaileen erabakiei errespetua zor zaiela adierazi zuen «haiekin bat ez etorri arren».

Magistraturako Elkarte Profesionaleko bozeramaile Jose Luis Requeroen ustez, berriro, Espainiako Gobernuaren ebazpenaren kontrako kritikak ez dira gobernuaren eta auzitegien arteko enfrontamendua, «bakoitza bere lana egiten ari baita».

«Atzerapausotzat» jo du ebazpena Piquek

Espainiako Atzerri ministro Josep Piquek, alta, «atzerapausotzat» jo zuen Baltasar Garzonek akusaturako bost pertsonari prozesamendua kentzea. Piqueren aburuz, «agerikoa da terrorismoaren fenomenoaren elkarrekin, komunikabide eta erakunde politiko eta sozialek ere osatzen dutela, eta horiek ekintzak egiten dituzten komandoak bezala borrokatu behar dira».